

Акафист Пресвятей Богородице, иконы Ея ради, Прибавление ума именуемая.

Кондак 1

Избранней от всех родов Божией Матери, Небесé и земли Царице, врачевствó духовное всему миру подающей, благодарная пения приносим о даровании Божественнаго сокровища, чудотворныя иконы Ея, Прибавление ума нареченныя, ёуже ограждаеми, радуемся светло и с любовью взываем: Радуйся, Всемилостивая Владычице, премудрость и разум верным людем Твоим дарующая.

Икос 1

Ангел предстатель послан бысть во град Назарет к чистей Отроковице Марии рещи: «Радуйся, Тобою бо Сын Божий воплотится». Пречистая же Дева, благовестие Архангела слышавши, во смирении сердца отвеща: «Се, Раба Господня, буди Мне по глаголу твоему». Мы же грешнии, благоговейно чтуще Матерь Христа Бога нашего, яко от Ангела научихомся, тако со умилением вопием Благодатней:

Радуйся, Благословенная в женах;
радуйся, у Господа обретшая благодать.
Радуйся, силою Всебшного осененная;
радуйся, Духом Святым освященная.
Радуйся, верная Раба Господня;
радуйся, Спасителя мира рождающая.
Радуйся, Богоизбранная Отроковице;
радуйся, Небесé и земли Царице.
Радуйся, Мати Света, всех просвещающего;
радуйся, верных смьслы озаряющая.
Радуйся, премудрых превосходящая разум;
радуйся, яко Тя убожают вси роди.

Радуйся, Всемилостивая Владычице, премудрость и разум верным людем Твоим дарующая.

Кондак 2

Видящи, Всенепорочная, желание людей новопросвещенных, благословила еси евангельских таин благовестника апостола Луку написати пречистаго лика Твоего изображение, и проглаголала еси: «С сим образом благодать Моя и сила да будет». Темже благоговейно поклоняющися пред святыми иконами Твоими, имиже весь мир

христианский украсила еси, благодарственно вопиём о Тебе Богу:
Аллилуиа.

Икос 2

Разум небесный открываючи, Пречистая Дево, многажды благоволила еси явити всем верным, какова есть воля Божия, благая и совершенная, и всяк ум превосходящая. Призри на нас, Всепетая Богородице, озари светом истины, утеши нас, яко Мати, настави нас на путь правды, да возопиим молящеся Тебе тако:

Радуйся, Божию Премудрость, Христа родившая;
радуйся, Бога человеком соединившая.

Радуйся, светом разума души наша просвещающая;

радуйся, неизреченную славу Божию вмещающая.

Радуйся, почитающих святых иконы освящающая;

радуйся, духовная сокровища щедро раздающая.

Радуйся, честным Твоим иконам благодать дарующая;

радуйся, поклонение пред образы Твоими Сама приемлющая.

Радуйся, исцеления от икон Твоих изливающая;

радуйся, к Небесам умы и сердца наша возводящая.

Радуйся, всю вселенную лучами Твоей благодати озаряющая;

радуйся, с Сыном Твоим и Богом вечно царствующая.

Радуйся, Всемилостивая Владычице, премудрость и разум верным людем Твоим дарующая.

Кондак 3

Силою благодатною осеняеми, благочестивии людие во град Назарет приидоша и обретоша тамо дом Богородичен, идеже Пречистая Дева родися и благовестие Архангела прият, и пренесоша дом той в землю Италийскую, во град Лорето. Верху же дома онаго донине есть образ Богородичен, от древа резан, егоже ангельския Небесныя Силы невидимо окружают и благолепно чествуют, радостне вопиюще Богу: Аллилуиа.

Икос 3

Имуще к роду христианскому матернее милосердие, вси концы земли ко спасению призываеши, Пречистая, темже убо народи разноречивии от многих стран приходят в дом Твой, и пред иконою Твоею покаяние приносят, и к жизни новей благодатное укрепление приемлют. Сего ради от востока до запада прославлена бысть икона

Твоя чудеса многими, и избавлении от болезней, скорбей и напастей людие приносят Ти благодарения, зывающе:

Радуйся, Дóме, Егóже созда Себе Премúдрость Бóжия;
радуйся, Граде Бóжий, Ёже от мáлаго града Назарéта произыде.
Радуйся, дом Бóжий вхождением Твоим озарившая;
радуйся, Отроковице Святáя, Святýх бóльшая.
Радуйся, с Предвечным Богомладенцем в Назарét пришédшая;
радуйся, таинству спасения рода человéческого послужившая.
Радуйся, Лéстнице, ёюже восхóдим от земли на Нéбо;
радуйся, всемú миру предивный Покрóве.
Радуйся, я́ко с вéрою поклоняемся пречíстаго ли́ка Твоегó изображéнию;
радуйся, я́ко от негó приёмлем благодáтныя дáры во спасéние.
Радуйся, дивная зна́мения икóнами Твоими совершáющая;
радуйся, род христиáнский держáвно заступáющая.
Радуйся, Всемíлостивая Влады́чице, премúдрость и рáзум вёрным людем Твоим дáрующая.

Кондак 4

Бурею скóрби вéлия одержимъ бе изóграф нéкий в помрачении рáзума, от земнých врачéй пóльзы не получивый. Тогда Пречíстая Мáти Гóспода яв́ися болящему в том же óбразе, ёже и дом Ея во граде Лорéто освящáет, и заповéда икóну написáти. Сиé испóлнив, изóграф исцели́ся и от сегó икóну новопíсаную Прибавлéние умá наречé, поя пред нéю хвалéбную песнь Бóгу: Аллилу́иа.

Икос 4

Слышавше людие земли Рýсския, я́ко благоизволи Пресвятáя Богорóдица дáти им в рáдость и утешéние икóну Свою́, Прибавлéние умá наречéнную, украси́ша храмы и дóмы своя́ многими списками ея́, от нíхже дивная зна́мения и чудесá обильно содева́ются всем притека́ющим с вéрою и пою́щим Преблагословéнной таковáя:

Радуйся, óбраз Твой честный во утешéние и освящéние нам даровáвшая;
радуйся, со икóнами Твоими благодáтными невидимо в дóмы нáша входя́щая.
Радуйся, болéзни душéвныя и телéсныя икóною Твоею́ скóро врачúющая;
радуйся, лóбящая и чтúщая Твой óбраз от всяких бед избавля́ющая.

Ра́дуйся, оста́вленных врачами на Сво́й всемо́щней ру́це
прие́млющая;

ра́дуйся, благослове́ние, здра́вие и ра́дование тем подаю́щая.

Ра́дуйся, я́ко от восто́ка и до за́пада и́мя Твое́ ублажа́ется;

ра́дуйся, зе́млю на́шу покрóвом ми́лости Твоея́ осеня́ющая.

Ра́дуйся, помраче́нных умóв исцеле́ние;

ра́дуйся, по́мыслов на́ших просвеще́ние.

Ра́дуйся, позна́ния и́стины чи́стое зерка́ло;

ра́дуйся, ве́ры пра́выя кре́пкое забра́ло.

Ра́дуйся, Всеми́лостивая Влады́чице, премúдрость и ра́зум ве́рным
лю́дем Твои́м да́рующая.

Кондак 5

Боготéчней звездé подобна я́вися ико́на Твоя́, Богома́ти: страну́ бо
на́шу и гра́ды ея́ освяща́ет, сýщих во тьме неве́жества́ све́том
богове́дения озаря́ет, ра́зум наш, страстьми́ помраче́нный,
просвещает, заблúждшия наставля́ет на путь де́лания за́поведей Сы́на
Твоего́ и Бо́га, Емúже благодарственнó вопие́м: Аллилу́иа.

Икос 5

Ви́девше дивну́ю ико́ну Богома́тере и позна́вше ю́ и́стинное
Божество́нное сокро́вище, к ней усéрдно притека́ем, в недúзех
исцеле́ние, в ско́рбех утеше́ние, в беда́х избавле́ние прие́млем и
ра́достно поём Застúпнице на́шей:

Ра́дуйся, Ма́ти Све́та присносу́щнаго, благода́тию всю́ вселе́нную
озари́вшаго;

ра́дуйся, Со́лнце Пра́вды, Христа́ Бо́га на́шего, я́вившая.

Ра́дуйся, мрак неве́дения на́шего разгоня́ющая;

ра́дуйся, заря́ми благода́ти нас просвещáющая.

Ра́дуйся, свещé неугаси́мая, пла́мень ве́ры возжигáющая;

ра́дуйся, свет богове́дения всем пролива́ющая.

Ра́дуйся, добродéтели путь освещáющая;

ра́дуйся, весну́ спасе́ния нам возвещáющая.

Ра́дуйся, явле́нием ико́ны Твоея́ ве́рных осиява́ющая;

ра́дуйся, от бед и напа́стей кре́пкою руко́ю изыма́ющая.

Ра́дуйся, любве́ Божество́нныя свети́льнице;

ра́дуйся, святы́ни преми́рныя исто́чнице.

Ра́дуйся, Всеми́лостивая Влады́чице, премúдрость и ра́зум ве́рным
лю́дем Твои́м да́рующая.

Кондак 6

Проповѣдует мир весь мѣлости Твоя, Мати Господа нашего, во всех бо концѣх земли икона Твоя, Прибавление ума именѹемая, лучами чудес сияет, просвещающи души наша светом Божия благодати и подвизающи пѣти прославльшему Тя Богу: Аллилуиа.

Икос 6

Возсия в честней иконѣ Твоей, Богородице, свет спасения всем, блуждающим во тьме грехов и страстей, и всем молящимся пред нею с верою и благоговением скороя помощь подаётся. Умов наших омрачение светом Твоим отжени, Всепетая, и даруй истинный Свет узрети всем, с любовью вопиющим Ти сице:

Радуйся, звездѣ незаходима, Солнце Правды в мир вводящая;
радуйся, Мати Света истиннаго, души верных просвещающаго.
Радуйся, светлым покровом ум наш омраченный осеняющая;
радуйся, заре не вечерняя, мглу наших грехов разгоняющая.
Радуйся, во благодатнем учении наставляющая;
радуйся, тьмы и вечных мук нас избавляющая.
Радуйся, от сетей вражиих свободяющая;
радуйся, безумие мира побеждающая.
Радуйся, душевредных учений низложение;
радуйся, душеполезных знаний дарование.
Радуйся, иконою Твоею нас утешающая;
радуйся, светом радости души веселящая.

Радуйся, Всемилостивая Владычице, премудрость и разум верным людем Твоим дарующая.

Кондак 7

Хотящи всем человеком спастися и в разум истины прийти, Пречистая Мати Свой образ, Прибавление ума именѹемый, даровала есть нам, да вси, с верою молящиися пред ним, крепость слова, и разум, и мудрость приемше, в тишине помыслов Царю и Богу нашему поют: Аллилуиа.

Икос 7

Новая и преславная чудеса являеши, Мати Божия, верным людем святою иконою Твоею: силою благодати Христовы помраченные умом просвещаяеши, от безумия отвращаяеши, расслабленные укрепляеши и всем притекающим к целѣбному Твоему образу скорою помощь подаеши, подвизающи пѣти Тебѣ таковая:

Ра́дуйся, из глубины́ невѣдения извлека́ющая;
ра́дуйся, мно́гия в ра́зуме просвеща́ющая.
Ра́дуйся, сло́во премúдрости прося́щим да́рующая;
ра́дуйся, несмы́сленных разу́мны содева́ющая.
Ра́дуйся, грехо́вныя по́мыслы отгоня́ющая;
ра́дуйся, сердца́ ожесточе́нная умягча́ющая.
Ра́дуйся, ум к Бо́гу возвыша́ющая;
ра́дуйся, немúдрыя умудря́ющая.
Ра́дуйся, ко благоче́стию наставля́ющая;
ра́дуйся, вѣчною ра́достию одаря́ющая.
Ра́дуйся, к Сы́ну Твоему́ и Бо́гу моли́твы ве́рных принося́щая;
ра́дуйся, и Сама́ непреста́нно у Престо́ла Вседержи́теля о всех
моля́щаяся.

Ра́дуйся, Всеми́лостивая Влады́чице, премúдрость и ра́зум ве́рным
люде́м Твои́м да́рующая.

Кондак 8

Стра́нно есть ви́дети, ка́ко ико́на Твоя́, Пречи́стая Богороди́це
Де́во, руко́ю челове́ческою напи́санная, си́лою Твое́ю Божество́нною
ду́хов тьмы прогоня́ет, немо́щию ума́ одержи́мым ра́зум подаёт и всех
неудо́бь уча́щихся све́тло умудря́ет; те́мже и мы, во гресѣх
погиба́ющих, мо́лим Тя со слеза́ми: изба́ви нас от враг ви́димых и
невиди́мых, от тьмы неразу́мья и мра́ка прѣлести, да всегда́ поём
Спаси́телю и Бо́гу на́шему: Аллилу́иа.

Икос 8

Вся земля́ на́ша преиспо́лнена есть, а́ки звезда́ми богосве́тлыми,
чудотво́рными о́бразами Твои́ми, Богороди́це Де́во, в нейже и сия́
ико́на Твоя́, Прибавле́ние ума́ нарече́нная, благода́тию сияет и
согрева́ет оледене́вшая сердца́ на́ша зна́меньями ми́лости Твоея́ к нам
грѣшным. Сего́ ра́ди пред ли́ком Твои́м святы́м прекло́ньше колѣна,
воспева́ем Тя, Всепречи́стая Ма́ти на́ша, та́ко:

Ра́дуйся, ско́рби на́ша в ра́дость претворя́ющая;
ра́дуйся, от разже́нных стрел лука́ваго нас защища́ющая.
Ра́дуйся, ве́рных ра́зум просвеща́ющая;
ра́дуйся, неве́рныя посрамля́ющая.
Ра́дуйся, младе́нцев воспита́ние и благода́тное охранѣние;
ра́дуйся, ю́ных наста́вление и целомúдренное огражде́ние.
Ра́дуйся, неудобь уча́щимся ра́зум подаю́щая;
ра́дуйся, помраче́нныя умом исцеля́ющая.

Ра́дуйся, вра́жия се́ти разруша́ющая;
ра́дуйся, благода́тию де́моны прогоня́ющая.
Ра́дуйся, Ма́ти щедро́т и милосе́рдия;
ра́дуйся, спасе́ния на́шего Наде́ждо.

Ра́дуйся, Всеми́лостивая Влады́чице, премúдрость и ра́зум ве́рным лю́дем Твои́м да́рующая.

Кондак 9

Всякое естество́ А́нгельское благоговейно Тебе́ слúжит, Небесе́ и земли́ Цари́це, челове́ческий же род хвалы́ Тебе́ принóсит и Твою́ святу́ю ико́ну почита́ет, сию́ бо во отра́ду и утеше́ние дарова́ла еси́ нам. Научи́ нас, о Всеблагая́, досто́йно сла́вити Тя и воспева́ти ро́ждшемуся от Тебе́ Спаси́телю ми́ра: Аллилу́иа.

Икос 9

Ветии́ челове́честии недоумева́ют познати́ та́йну служе́ния Твоего́ ро́ду христиа́нскому, Богоро́дице, ниже́ мо́гут изъясни́ти си́лу чудотво́рную, от ико́н Твои́х происхо́дящую на всяку́ по́льзу душе́вную и телесну́ю челове́ком. Мы же, правосла́внии, со слеза́ми ра́дости пред ико́ною Твоею́ свято́ю предстоя́ще, прославля́ем Тя, Благода́тная, и глаго́лем:

Ра́дуйся, А́нгелов ра́дование;
ра́дуйся, Арха́нгелов ликовáние.
Ра́дуйся, Ю́же на возду́се сретáют Херувими́;
ра́дуйся, Ейже́ похва́льная принóсят Серафими́.
Ра́дуйся, све́тлое Це́ркве Небе́сных и земны́я украше́ние;
ра́дуйся, всех челове́к и безплóтных удивле́ние.
Ра́дуйся, от во́инств Небе́сных почита́емая;
ра́дуйся, от земноро́дных поклонéнием прославля́емая.
Ра́дуйся, о́бразом Твои́м умы́ наша́ возводя́щая к ми́ру Го́рнему;
ра́дуйся, Путево́дительница́ наша́ к Оте́честву Небе́сному.
Ра́дуйся, всех нас при Кресте́ Сы́на Твоего́ усыновив́шая;
ра́дуйся, сия́нием души́ Твоея́ всю зе́млю просвети́вшая.

Ра́дуйся, Всеми́лостивая Влады́чице, премúдрость и ра́зум ве́рным лю́дем Твои́м да́рующая.

Кондак 10

Спасти́ хотя́ мир от безúмия и прелести́ вра́жия, Человеколю́бец Госпо́дь чу́дную ико́ну Твою́, Богома́ти, дарова́, пред не́юже помраче́ннии умо́м исцеля́ются, бесну́ющиися от де́монов

свобождаются, скорбящие утешение и радость обретают. Темже прославляюще Бога, подающего нам таковыя милости, вопиём Ему благодарне: Аллилуиа.

Икос 10

Стенá еси необоримая и покрóв нам, Всенепорочная, сопротив ополчений видимых и невидимых враг, ограждаючи нас от всяких бед и болезней. Сего ради припадающе ко иконе Твоей с верою в помощь благодатную и врачевство всех недугов душевных и телесных, радостно вопиём Ти сие:

Радуйся, от путей погибельных нас удаляющая;
радуйся, на всяку истину и правду наставляющая.
Радуйся, духа болезни и уныния отгнание;
радуйся, духа разума и крепости стяжание.
Радуйся, враги силою Божию посрамляющая;
радуйся, советы нечестивых разоряющая.
Радуйся, беснующимся здравие подающая;
радуйся, вся лютыя недуги врачующая.
Радуйся, от смерти духовныя нас избавляющая;
радуйся, слезами Твоими грехи наша омывающая.
Радуйся, радостию духовною нас дивно насыщающая;
радуйся, в жизнь будущаго века нас вводящая.

Радуйся, Всемилостивая Владычице, премудрость и разум верным людем Твоим дарующая.

Кондак 11

Пение благодарственное приносим пред пречистым образом Твоим, Пренепорочная, за неизреченное Твое милосердие и молимся, о Богоблагодатная: огради ум наш и сердце от тлетворных учений, неверия и суеверия, сохрани землю нашу от всяких нестроений, врагами веры воздвигаемых, и сподоби нас чистым сердцем славити Создателя нашего, поюще песнь: Аллилуиа.

Икос 11

Яко светопримную свещу зрим икону Твою, Богомати, сиянием чудес землю нашу просвещающую, на путь спасения нас наставляющую и сердца наша любовью воспламеняющую к Тебе, Пречистой Матери Господа. Мы же, ведуще силу благодати Твоея, песнями радостными прославляем Тя сие:

Радуйся, премудростию Соломона превышшая;

ра́дуйся, сокровенныя тайны Божия верным открывающая.
Ра́дуйся, любомудрыя немудрыя являющая;
ра́дуйся, молние, души просвещающая.
Ра́дуйся, суетную мудрость века сего посрамляющая;
ра́дуйся, ослепленные ею на путь правый наставляющая.
Ра́дуйся, искренне молящимся ум обновляющая;
ра́дуйся, в час недоумений мысль благу на сердце полагающая.
Ра́дуйся, Премудрости и благодати Божия откровение;
ра́дуйся, явившая нам дивную икону Твою, яко дар Небесный.
Ра́дуйся, источнице радости непрестанная;
ра́дуйся, Горняго мира Красото неизреченная.
Ра́дуйся, Всемилостивая Владычице, премудрость и разум верным
людem Твоим дарующая.

Кондак 12

Благода́ть Божественную испроси́ у Сына Твоего́ и Бога, о
Всеблага́я, подаждь нам ру́ку по́мощи, да не поги́бнем во гресех
наших; согрей нас любвию Твоею, очисти умы́ наша от горделивых
помысло́в, просвети́ сердечныя очи́ наша к зрению пути́ смирения и
сподоби нас в жизни сей и в Царстве Небеснем воспевати Творцу́ и
Создателю́ нашему: Аллилу́иа.

Икос 12

Поюще чудеса́, от иконы Твоея́ явленная, Владычице, хвалим,
сла́вим и велича́ем Тя, честнейшую воистину Херувим и сла́внейшую
без сравнения́ Серафим. Призри с Небесе́, Богородице, на
предстоящая пред святою иконою Твоею́ и благода́ть Твою́ ниспосли́
нам, изба́ви от всяких бед и искушений вражиих всех, яко Заступнице
и Хранительнице нашей вопиющих Ти:

Ра́дуйся, моли́твами Твоими́ весь мир спасающая;
ра́дуйся, све́том чистоты́ Твоея́ всех просвещающая.
Ра́дуйся, ны́нешняго ско́рбнаго века́ утешение;
ра́дуйся, во́ли Господни откровение.
Ра́дуйся, зе́млю Ру́сскую в достояние Себе́ избравшая;
ра́дуйся, явлением чудотворных ико́н Твоих сию́ благословившая.
Ра́дуйся, чудесы́ от о́браза Твоего́ к Свету́ истины нас возводящая;
ра́дуйся, почитающих лик Твой незримо благода́тию осеняющая.
Ра́дуйся, радость благода́тную в сердца́ боголюбивая изливающая;
ра́дуйся, дв́ери милосердия́ Божия ходатайством Твоим
отверзающая.

Рáдуйся, в стяжáнии дарóв Святаго Дúха нам поможе́ние;
ра́дуйся, Же́но, еди́на Чíстая и Благословéнная.

Рáдуйся, Всеми́лостивая Влады́чице, премúдрость и рáзум вёрным
люде́м Твои́м да́рующая.

Кондак 13

О́, Всепе́тая Ма́ти Присносу́щнаго Свéта и О́тчия Премúдрости!
Ты еси́ свет омраче́нных, прибавле́ние ума́ и ра́дость серде́ц на́ших;
услы́ши и приими́ моле́ние нас грéшных, умудри́ нас неразу́мных и
наста́ви на пе́ние и моли́тву пред ико́ною Твое́ю дивно́ю. Не преста́й
моли́ти Сы́на Твоего́ и Бо́га о нас, недостóйных раба́х Твои́х,
сла́вящих Тя и пою́щих Ему́: Аллилу́иа.

Молитва

О́, Пречи́стая Богоро́дице, дарóв духо́вных Подáтельнице, До́ме,
Его́же созда́ Себе́ Премúдрость Бо́жия, от ми́ра к преми́рным ум наш
возводя́щая и всех к познáнию рáзума приводя́щая! Приими́ моле́бное
пе́ние от нас, недостóйных рабо́в Твои́х, с ве́рою и умилéнием
покланя́ющихся пред пречи́стым о́бразом Твои́м. Умоли́ Сы́на Твоего́
и Бо́га на́шего, да да́рует власте́м на́шим мúдрость и си́лу, судия́м
пра́вду и нелицеприятие, па́стырем мúдрость духо́вную и ре́вность,
наста́вником смиренномúдрие, ча́дом послуша́ние, всем же нам дух
ра́зума и благоче́стия, дух смире́ния и крóтости, дух чистоты́ и
пра́вды. Пода́ждь нам, Всепе́тая Ма́ти, ума́ прибавле́ние, умири́,
соедини́ во вражде́ и разделéнии сýщия и положи́ им сою́з любви́
неразруши́мый, всех заблúдших от неразу́мия к свéту йстины
Христо́вы обрати́, на путь стра́ха Бо́жия, воздержáния и трудолю́бия
наста́ви, сло́во премúдрости и душа́м полéзное знáние прося́щим
да́руй, осени́ нас вéчною ра́достью, Херувимов честне́йшая и
Серафимов сла́внейшая сýщи. Мы же, дивная дела́ и многоразу́мную
премúдрость Бо́жию в ми́ре и жи́зни на́шей видя́ще, устрани́мся
земны́я суеты́ и лука́вых попечéний, и умы́, и сердца́ на́ши на Небеса́
возведе́м, я́ко да Твои́м заступле́нием и по́мощию сла́ву, хвалу́,
благодарéние и поклонéние за вся в Трóице сла́вимо́му Бо́гу и всех
Созда́телю возда́дим, ны́не и при́сно и во ве́ки веко́в. Ами́нь.